



Aningaasanut Naalakkersuisoq

Aningaasaqarnermut Ataatsimiititaliap suliaq nr. 01.31.06/08-00418 pillugu sapaammi ulloq 28. juni 2009-mi aalajangiinera pillugu Naalakkersuisunut ilisimatitsineq

Royal Greenland A/S-imut aningaasaliissutit aamma aningaasat akisussaaffilerlugit taarsigassarsiaritit

- Naalakkersuisut **inassutigaat**,
- Royal Greenland A/S 250. mio. kr.-nik aningaasaliissuteqarfigineqassasoq aamma ingerlatseqatigiiffik taanna 250 mio. kr.-nik akisussaaffitalimmik taarsigassarsisinnegassasoq
 - aningaasaliissutit konto pingaarnermi 10.13.11-mi aktieselskabinut aningaasartuutit 250 mio. kr.-nik qaffanneqassasut
 - aningaasaliissutit konto 20.13.12-mi Royal Greenland A/S-imut akisussaaffitalimmik aningaasat taarsigassarsiat 250 mio. kr.-nik qaffanneqassasut
 - aningaasaliissutit konto 20.10.11-mi Erniat ilanngaasikkat (Isertitat) 10 mio. kr.-nik annikkilineqassasut
 - aningaasaliissutit konto 20.10.11-mi Erniat ilanngaasikkat (Isertitat) 6,25 mio. kr.-nik qaffanneqassasut
 - ukiumut naatsorsuiffiusumut 2009-mut IST-mut amigartoorutissatut missingersuutit 503,75 mio. kr.-nik amerlisinnegassasut.

Aningaasaqarnermut Ataatsimiititaliap oqaaseqaatai

Inatsisartut 2009-mi junimi immikkut ittumik ataatsimiinneranni Inatsisartut immikkoortoq 20-mi akuersissuteqarneranik suliaq matumani pineqartoq tunngaveqarpoq.

Tamanna tunngavigalugu Royal Greenland A/S-imut 250 mio. kr.-inik aningaasaliissuteqarnissaq aammalu aningaasat taakku amerlaqataannik ingerlatseqatigiiffimmut taarsigassarsisitsinissaq Naalakkersuisut siunnersuutigaa. Taarsigassarsiat ernialerlugit tunniunneqassapput.

Aningaasaqarnermut Ataatsimiititaliami amerlanerussuteqartut, Inuit Ataqatigiinneersut Demokraatineersullu Inatsisartut suliamik oqaluuserinninneranni oqaatigineqartut tunngavigalugit Naalakkersuisut siunnersuutaat akuersissutigisinnaavaat.

Aningaasaqarnermut Ataatsimiititaliami ikinnerussuteqartup, Siumumeersup Royal Greenlandimut tapiissuteqartoqarnissaa isumaqatigisinnaavaa. Taamaakkaluortoq Siumumit aallartitaq isumaqarpoq suliffeqarfik nunatta karsianit taarsigassarsisinnegassappat tamanna tulluartuunngitsoq. Nunatta karsiata aningaasaatai tigorianaat aningaasaliisinnaassuseqarnermik nunarsuatsinni avatangiiserisatsinnut oqariartuutaapput,

taannalu suliffeqarfinnut imminut aquttunut taarsigassarsisitsinissaq siunertaralugu ilanngarterneqartariaqanngilaq. Tamatumunnga taarsiullugu aningaaserivimmi namminersortumi Royal Greenlandip taarsigassarsineranut Namminersorlutik Oqartussat qularnaveeqqusiisariaqarput.

Aningaasaqarnermut Ataatsimiititaliap isumaqatigiittup naggasiullugu oqaatigissavaa iliuseqarnissamut pilersaarummik sunniuteqarluartumik piviusunngortitsinikkut Royal Greenland A/S-imut allanik aningaasaliissuteqaqqinnissap pisariaqartinneqannginnissaa qulakkeerneqassasoq ataatsimiititaliamit ersarissumik kissaatigineqarpat.

Aningaasaqarnermut Ataatsimiititaliap aalajangiinera

Siuliani allassimasutut paasinnilluni Naalakkersuisunit inassuteqaatit Aningaasaqarnermut Ataatsimiititaliami amerlanerussuteqartunit **akuersissutigineqarput.**

Aningaasaqarnermut Ataatsimiititaliaq sinnerlugu

Akitsinguaq Olsen
Aningaasaqarnermut Ataatsimiititaliami siulittaasoq